

花鏡卷之四目次

藤蔓類次

竹

靈芝

凌霄

真珠

茉莉

萬年藤

紫藤

葡萄

枸杞

天葵

棣棠

薔薇

玫瑰

月季

紅
815

門 = 14
號 719
卷

秘傳花鏡卷之四目次



藤蔓類攷

竹 附譜

凌霄

茉莉

紫藤

枸杞

棣棠

玫瑰

靈芝 附譜

真珠蘭

萬年藤

葡萄

天蓼

薔薇

月季

木香

野薔薇

十姊妹

繅絲花

茶藤

千歲壘

柳穿魚

珍珠花

鳳尾焦

玉蕊花

錦帶花

鴛鴦藤

錦荔枝

鐵線蓮

史君子

萬芭

虎耳草

翠雲草

淡竹葉

射干花

牽牛花

馬兜鈴

鼓子花

五味花

薜荔

芙蓉

水木樨

壺蘆蕪

獼猴桃

蓼莢

紫茉莉

白扁豆

龍膽草

落花生

大戟

葛花

紫花地丁

茜草

無風獨搖

虎杖

落葵

欵冬花

仙人掌

玉簇

鈎藤

清風藤

長生草

藤蘿

零餘子

土參

萎蕤

揚搖子

藟子

酒杯藤

侯騷子

千歲子

波羅蜜

菩提樹

娑蘿花

人面子

都念子

薏苡

木竹子

韶子

馬檳榔

莢楚

蔓椒

文章草

蘿摩

雪下紅

胡椒

浣草

枯樓

五爪龍

西國草

榼藤

蓬蘽

千里及

秘傳花鏡卷之四

西湖花隱陳湜子訂輯

藤葛類攷

竹々々

天壤間似木非木似草非草者竹與芝是也。茲特冠竹芝於藤葛之首者因其秀雅靈奇而尊之也。至若遐方異品亦間附於後誌怪也。

竹乃植物也。隨在有之。但質與草木異其形色大小

不同。竹根曰菊旁引曰鞭鞭上挺生者名筍筍外包者名籜過母則籜解名竿竿之節名筠初發梢葉名篁梢葉開盡名籊竿上之膚名筠古人取義獨詳按竹之妙虚心密節性體堅剛值霜雪而不凋歷四時而常茂頗無天艷雅俗共賞故戴凱之有竹紀六十一品今復詳載於後其性喜向東南移種須從西北角方能滿林語云種竹無時遇雨便移多留宿土記取南枝又五月十三日爲竹醉日是日種者易活移時必須連根鞭埋下覆土後勿以脚踏只用槌擊數

下壅以馬糞糞糠次年便可出筍竹初出時看根下第一節生單枝者是雄竹宜去生雙枝者是雌竹善生筍最忌火日移栽每至冬月當以田泥或河泥壅根若瘞以死猫能引他人之竹過牆如不欲其過牆須掘一溝便止長至四五年者卽宜伐去庶不得新筍如竹生花結實似稗謂之竹米不久滿林皆枯治法在初花時擇一二大竿截去止留下三尺打通其節以糞填實之則花自止竹亦不敗矣種竹有四字訣疎密淺深則盡之矣疎者謂三四尺方種一顆欲

其土虛易於行鞭也密者大其根盤每顆須三四竿
 一堆使其根密自相維持也淺者入土不甚深也深
 者種時雖淺每用河泥厚壅之則深也又移須多帶
 宿土勿踏以足則易活一云八月初八及每月二十
 若遇雨皆可移又竹滿六十年一易根必結實枯死
 其實落地復生六年遂成町矣江南餘干有竹實大若雞卵葉包裹味甘
 附竹釋名共三十九種
 諸異竹

十二時竹

產蘄州繞節凸生子丑寅卯等十二字安福周俊叔家得此種亦造物之奇也

篋筲竹

出新州一枝百葉皮利可為礪甲用久微滑以酸漿漬過宿復快利如初多作筲箭

人面竹

出剡山竹徑幾寸近本連二尺節促四面參差竹皮有如魚鱗而凸頗似人之面

棕竹

有三種上曰筋頭梗短葉垂可作書几次曰短柄可列庭階再次橫竹節稀葉梗但可削

作扇骨細微之用其幹似竹非竹黑色有皮心實肉內有白縹紋

桃絲竹

葉如棕身如竹密節而實心厚理瘦骨天然柱杖出巴淪間產豫者細紋一節四尺

四季竹

四季生筍幹節長而圓取為樂器聲中管簫若生山石者音更清亮可人

湘妃竹

產於古辣其幹光潤上有黃黑斑點紋旋轉而細如淚痕狀竹之最貴重者

金鑲碧筴竹

產自成都近日浙杭亦有與常竹無異但幹上每節兩青兩黃相間

孝順竹

幹細而長作大叢夏則筍從中發涼讓母冬則筍從外護母竹內包故稱慈孝

方竹 產於澄州桃源杭州今江南俱有體方有如削成而勁挺堪為杖亦異品也

鳳尾竹 紫幹高不過二三尺葉細小而倚那類鳳毛盆種可作清玩

貓竹 一作毛竹浙閩最多幹大而厚葉細而小異於他竹人取編牌作舟或造屋皆可

蘄竹 出楚郡蘄州土人取其色之瑩潤者為簞節疎者為簫笛

雙竹 生浙之武林西山其妙在篔簹嫩篠對抽竝亂色最可愛

龍公竹 產自羅浮山其徑大七尺許節長丈二葉若芭蕉

紫竹 出南海普陀山其幹細而色深紫段之可為簫管今浙中皆有

弓竹 產於東方本長百尋其曲如藤狀必得大木乃倚而上質有文理

柯亭竹 產在雲夢之南其幹俟期年之後伐為樂器音最清亮

桂竹 出自南康府幹高四五丈圍約二尺許狀似甘草皮而赤色

思摩竹 奇在節自節生竹成竿之後其節中復又生筍出海外

月竹 產於江南嘉定每月抽筍其形輕短而叢生有如箭桿

梅綠竹 其幹似湘妃而細瘦無旋紋色亦闊而大不如人多取為扇骨

斑竹 產於吳越諸山其斑紋雖不及古辣湘妃然作器具所用最廣

墨竹 其狀如古藤長有一丈八九尺而色理之黑如鐵

大夫竹 以其修長幹直凌雲圍有三尺許故得是名出鄜延

龍鬚竹 生辰州及浙之山谷間高不盈尺而枝幹細僅如針可作盆玩但遇冬不可見霜雪

臨賀竹 其幹之大至有十抱較之龍公竹更奇出臨賀

慈竹 其幹內實而節疎性弱而形緊其細鞞可代藤用

龜文竹 產於寶陀岩昔年僅一本以之製扇甚奇今不可得矣

相思竹 出自廣東似雙竹而差大皆兩兩相對而生

疎節竹 其幹最高每一節差一丈許出自黎母山陽

丹青竹 出自熊耳山其葉有三色黃青丹相間而生

通節竹 產於漆州其幹直上無節而中心空洞無隔亦異種也

疑波竹 其枝葉皆似常竹但有紅花開似安石榴亦奇種也

沛竹 昔傳是竹長百丈出自南荒之域附此以誌異耳

扁竹 其幹極扁 出匡廬山 船竹 出員丘其大如澡盆

叩竹 漢武帝遣人開 詳荆致叩竹杖 徑尺竹 產湖湘可為餽用

觀音竹 出占城國

靈芝 廿七八イタケ カトテタケ

靈芝一名三秀王者德仁則生非市食之菌乃瑞草也種類不同惟黃紫二色者山中常有其形如鹿角或如繖蓋皆堅實芳香叩之有聲服食家多採歸以籬盛置飯甑上蒸熟晒乾藏久不壞備作道糧又芝草一年三花食之令人長生然芝雖稟山川靈異而生亦可種植道家植芝法每以糯米飯搗爛加雄黃

鹿頭血包曝乾冬筭候冬至日埋於土中自出或灌藥入老樹腐爛處來年雷雨後即可得各色靈芝矣雅人取置盆松之下蘭蕙之中甚有逸致且能耐久不壞

附靈芝釋名 共計四十一品

五色芝 五品

赤芝 一名丹芝色如珊瑚其艷麗異常生於衡山食之輕身延年

黃芝 一名金芝色如紫金光明洞徹多產於嵩山之上食之不老

黑芝 一名玄芝色如澤漆其光潤可愛生於常山

青芝 一名龍芝色若翡翠之羽多產於泰山

白芝 一名素芝色如截肪生華山唐時延英殿御座上生玉芝一莖有三花

木芝 十一品

千歲芝 生於枯木下根如坐人刻之有血取血塗之足可行水隱形延年却疾者

木威喜芝 松脂淪地化為伏苓歲久上生小木狀似蓮花夜視有光燒之不焦服之得仙

飛節芝 生於千年老松上皮中有脂其狀如飛舞服之可以長生

木渠芝 寄生大木上狀似蓮花而一叢有九莖味則甘而帶辛

黃蘗芝 生於千年黃蘗根下另有細根如絲縷服之可得地仙

榮成芝 赤色有光扣其枝葉如金石之音 建木芝 生於都廣皮如縷實如鸞

五德芝 其形如車馬食之者壽可得千歲 樊桃芝 本如籠花如丹 蘿實如飛鳥

九光芝 形如盤棧生臨水之高山頂

九莖芝 一幹九莖其色紅黃可愛漢元封中生於甘泉殿齋房

草芝 十三品

龍仙芝 形似昇龍相負食之可以長生 白雲芝 生名山白石之陰有白雲時覆其上

青雲芝 青益三重其理則赤食之主壽 獨搖芝 根大如斗莖粗如指能無風自動

牛角芝 生虎壽山形似葱而特出類角 紫珠芝 莖黃葉赤實如李而紫色生藍田

火芝 葉赤而莖青昔為赤松子之所服 九曲芝 九曲每曲三葉實生華陽洞山陰有

白符芝 似梅大雪開花 夜光芝 生華陽洞山陰有五色光浮其上

鳳腦芝 其苗如匏而結實若桃 雲母芝 生山陰時有雲護秋採食令人身輕

金芝 漢元康中金芝九莖連葉生於函德殿銅池又唐上元二年含輝院產金芝

石芝 七品

玉暗芝 生於有玉之山狀似鳥獸色無常彩多似山水蒼玉亦有如鮮明之水晶者

七明芝 生臨水石崖間葉有七孔實堅如石夜見其光若食至七枚則七孔洞然矣

石蜜芝 生少室石戶中乃不易得者 桂芝 生石穴中似桂樹乃石也色光明味辛

石腦芝 出自石中 金蘭芝 冬生於山陰金石之間食之多壽

月精芝 秋生山陽石上莖青上赤味辛

肉芝 五品

人掌芝

蘭陵蕭靜之掘地得一物類人掌烹食之後遇一道人見其神氣不凡語曰子得食

肉芝自此壽可等乎龜鶴矣

蝙蝠芝

明成化間長洲產肉芝其形類蝙蝠人皆以為異而特誌之

千歲龜

千歲蟾蜍

燕胎芝

因其形似皆肉芝也

芝原仙品其形色變幻莫可端倪故有靈芝之稱惟有緣者得遇之耳據採芝圖所載名目有數百種茲止錄其十分之三以備山林高隱之士為服食參攷之一助也

凌霄花

ノウゼンカヅラ

凌霄一名紫葳又名陵苕鬼目蔓生必附木之南枝而上高可數丈蔓間有鬚如蝎虎足着樹最堅牢久則本大如盃春初生枝一枝數葉尖長有齒深青色開花每枝十餘朵大若牽牛花頭開五瓣上有數點黃色夏中乃盈深秋更赤八月結莢如豆角長三寸許子輕薄如榆仁用以蟠綉石自是可觀但花香劣聞太久則傷腦婦人聞之能墮胎不可不慎昔洛陽富韓公家植一本初無所依附而能特立歲久遂成大樹亭亭可愛亦草木之出乎其類者也

真珠蘭

真珠蘭一名魚子蘭。枝葉有似茉莉，但軟弱，須用細竹幹扶之。花即長條細蕊，蕊大便是花開。其色淡紫，而蓓蕾如珠。性宜陰濕，又最畏寒。霜降後，須同建蘭茉莉一樣入窖收藏。若在閩粵，則又當別論矣。三月初方可出窖。當以魚腥水五日一澆。雖喜肥，却忌澆糞。花與建蘭同時，其香相似，而濃郁尤過之。好清者每取其蕊，以焙茶葉甚妙。但其性毒，止可取其香氣，故不入藥。

茉莉

茉莉一名抹利。東坡名曰暗麝。釋名鬘華。原出波斯國。今多生於南方暖地。北土名奈木。本者出閩廣幹粗莖勁，高僅三四尺。藤本者出江西，弱莖叢生，有長至丈者。葉似茶而微大。花有單瓣重瓣之異。一種寶珠茉莉，花似小荷，而品最貴。初蕊時如珠，每至暮始放，則香滿一室，清麗可人。摘去嫩枝，使之再發，則枝繁，花密。以米泔水澆，則花開不絕。或浸皮屑不可經，或黃豆汁，并糞水，皆可。性喜暖，雖烈日不懼，但五六

月間每日一澆。宜於午後至冬。即當加土壅。根霜降後。須藏暖處。清明後。方可出。尤怕春之東南風。故藏宜以漸而密。出亦宜以漸而敞。如土藏太乾。日暖時。畧澆冷茶。直待芽發後。方可澆肥。梅雨時。從節間摘斷。將折處劈開。嵌大麥一粒。以亂髮纏之。并插肥陰地內。即活。若根下生蟻。灌以烏頭冷湯。即無如。換盆過。須易新土。更妙。六月六日。宜用魚腥水一澆。或鹿糞。或雞尿壅。最盛。又聞閩廣有一種紅黃二色茉莉。余實未之見。想亦不易得之物也。

最當作嵌

萬年藤

萬年藤。一名天棘。生於金陵牛首山。及浙之東天目。係晉魏至今者。其本大如桶。葉如綠絲。古致不同。誠神物也。春間根旁嫩苗。可以分植。

紫藤

紫藤喜附喬木而茂。凡藤皮著樹。從心重重有皮。其葉如綠絲。四月間發花。色深紫。重條綽約可愛。長安人家多種。飾庭院。以助喬木之所不及。春間取根上小枝分種。自活。

蒲萄

オホエビ

蒲萄俗名李桃。張騫從大宛移來。近日隨地俱有。然
 味終不如北地所產之大而甘。蔓梗柔條葉盛枝繁。
 極其長大。延蔓可數十丈。必依架附木。若蟠之高樹。
 其實纍纍懸挂可觀。三月開黃白小花。成穗實圓如
 櫻桃。有紫白黃三色。白名水晶。紫名馬乳。蜀中又有
 純綠者。夏中坐臥其下。葉密陰厚。納涼最宜。富室取
 其實搾汁作酒甚美。春分剪其枝插肥地。即活。結子
 後。即宜剪去繁葉。使受雨露之滋。則實易肥大而甜。

每日灌以冷茶。間兩日澆水。或用米泔水和黑豆皮
 或以煮肉淡汁澆之。不宜用糞。若以此藤穿棗木而
 生者。味更甘美。入麝香於其皮內。則蒲萄熟時。盡帶
 香味。可口。十月終葉落後。去根一步許。掘一大坑。收
 捲其枝條。悉埋之。細枝莖嫩。恐傷雜。觀以黍穰更佳。
 如無黍穰。竟以土蓋。亦無礙。因其性不耐寒。不埋恐
 凍死耳。待二月中。還出舒於架上。若歷歲久而幹老
 者。只須穰草覆之。南方則不必坑矣。凡扦插在正月
 下旬。取肥枝長四五尺者。捲為小圈。令緊。先治地極

肥鬆種之止留二節在外俟春氣發動衆萌盡吐而土中之節不能條達則英華盡萃於出土之二節不二年而成棚矣又波斯國蒲萄有大如雞卵者土魯國蒲萄有小如胡椒者名瑣瑣蒲萄無核而味更甜美物之不齊地土使然也

枸杞

枸杞一名枸櫞一名羊乳南北山中及丘陵墻阪間皆有之以其棘如枸之刺葉如杞之條故兼二木而名之生於西地者高而肥生於南方者矮而瘠歲久

本老虬曲多致結子紅點若綴頗堪盆玩春生苗葉微苦淖過可食秋生小紅紫花結實雖小而味甘澆水必清晨則子不落墮以牛糞則肥多取陝西甘州者因其子少而肉厚入藥最良其莖大而堅直者可作杖故俗呼仙人杖

天蓼

天蓼一名木蓼非草也產於天目四明二山本與梔子相類其葉冬月不凋花開黃白色結實如棗但未審蓼之名何來子可爲燭

棣棠花

ヤマフキ

棣棠花。藤本叢生。葉如茶藨。多尖而小。邊如鋸齒。三月開花。金黃色。圓若小球。一葉一蕊。但繁而不香。其枝比薔薇更弱。必延蔓屏樹間。與薔薇同架。可助一色。春分剪嫩枝。扞於肥地。即活。其本妙在不生蟲蟻。

薔薇

イバラ

薔薇一名買笑。又名刺紅。玉雞苗。藤本青莖。多刺。宜結屏種。花有五色。達春接夏而開。葉尖小而繁。經冬不大落。一枝開五六朵。深紅薔薇。大花粗葉。最先開。

荷花薔薇。千葉淺紅。似蓮刺。梅堆千葉大紅花。如刺綉所成。開最後。又有淡黃鶯黃金黃之異。為薔薇中之上品。但易盛而難久。白者類玫瑰。而無香。若寶相。亦有大紅粉紅二色。其朵甚大而千瓣。塞心可為佳品。又有紫者。黑者。出白馬寺。正月初剪肥嫩枝。長尺餘者。挿於陰肥之處。即活。但不可多肥。太肥則腦生莠虫。如有虫。以煎銀鋪中爐灰撒之。則虫自死。夏間長嫩枝時。有黑翅黃腹小飛虫。名鑄花娘子。以簪入枝。檀生子。三五日後。出細青虫。而嘴黑者。食葉傷枝。

殆盡大則又變前蟲專在玫瑰薔薇月季十姊妹等樹上生活見則速宜捉去以免食葉之患又薔薇露產瓜哇國以一滴置盆湯內備盆皆香沐面盥手可以竟日受用

玫瑰 ハニナス

玫瑰一名徘徊花處處有之惟江南獨盛其本多刺花類薔薇而色紫香膩馥郁愈乾愈烈每抽新條則老本易枯須速將根旁嫩條移植別所則老本仍茂故俗呼為離娘草嵩山深處有碧色者燕中有黃色

者花差小於紫玫瑰每年正月盡二月初分根種易活若十月後移恐地脉冷多不能生凡種難於久遠者皆緣人溺澆殺之也惟喜穢汚澆壅但本太肥則易悴不可不察此花之用最廣因其香美或作扇墜香囊或以糖霜同烏梅搗爛名為玫瑰醬收於磁瓶內曝過經年色香不變任用可也

月季 チヤウレユン

月季一名鬪雪紅一名勝春俗名月月紅藤本叢生枝幹多刺而不甚長四季開紅花有深淺白之異與

薔薇相類。而香尤過之。須植不見日處。見日則白者變而紅矣。分栽并插。俱可。但多蟲莠。須以魚腥水澆。人多以盆植為清玩。

木香花

木香一名錦棚兒。藤蔓附木。葉比薔薇更細小而繁。四月初開花。每穎三蕊。極其香甜可愛者。是紫心小白花。若黃花則不香。即青心大白花者。香味亦不及。至若高架萬條。望如香雪。亦不下於薔薇。剪條并種。亦可。但不易活。惟攀條入土。壅泥壓護。待其根長自

本生枝外。剪斷移栽。即活。臘中糞之。三年大盛。

野薔薇

野薔薇一名雪客。葉細而花小。其本多刺。蔓生籬落間。花有純白粉紅二色。皆單瓣。不甚可觀。但香最甜。似玫瑰。多取蒸作露。採含蕊并茶亦佳。患瘡者烹飲。即愈。若花卸時。摘去其蒂。猶如鳳仙花。開之無已。此種甚賤。編籬最宜。

十姊妹

ハユ子ウツキ

十姊妹又名七姊妹。花似薔薇而小。千葉磬口。一蒂

十花或七花。故有此二名。色有紅白紫淡紫四樣。正月移栽。或八九月并插。未有不活者。

繅絲花

繅絲花一名刺藤。葉圓細而青花。儼如玫瑰。色淺紫而無香。枝萼皆有刺針。每逢煮繭。繅絲時。花始開放。故有此名。二月中根可分栽。

茶藤花

ゴヤラギ

茶藤花一名佛見笑。又名獨步春。百宜枝。雪梅墩數名。蔓生多刺。綠葉青條。須承之以架。則繁花有三種。

大朵千瓣。色白而香。每一穎著三葉。如品字。青跗紅萼。及大放則純白。有蜜色者。不及黃薔薇。枝梗多刺而香。又有紅者。俗呼番茶藤。亦不香。詩云。開到茶藤花事了。為當春盡時。開也。種則攀條入土。壅之以肥泥。俟其枝長。剪斷移栽。自活。

千歲藥

ツルアノキヤ

千歲藥生太山深谷間。藤蔓如葡萄。實似桃而多緣。木上汁白而味甘。子赤可食。但酢而不甚美。在土人亦不棄也。

柳穿魚

柳穿魚一名二至花。葩甚細而色微紺。謂之柳穿魚者。以其枝柔葉細似柳而花似魚也。其花發於夏至。歛於冬至。故名二至花。又名如意花。性喜陰燥而惡肥糞。宜用豆餅浸水澆。或熟豆壅根。亦可。吳門花市多結成樓臺鳥獸形以售。

珍珠花

珍珠花一名王屑。葉如金雀而枝幹長大。三四月開細白花。皆綴於枝上。繁密如李。婁狀。俗名李婁花。非

春初發萌時可以分栽。

鳳尾焦

ソテツ

鳳尾焦一名番焦。產於鐵山。江西福建皆有。葉長二三尺。每葉出細尖瓣。如鳳毛之狀。色深青。冬亦不凋。如少萎黃。卽以鐵燒紅釘其本上。則依然。生活平常。不澆壅。惟以生鐵屑和泥壅之。自茂。且能生子。分種易活。極能辟火。患人多盆種庭前。以爲奇玩。

玉蘂花

トケイソウ

玉蘂花向爲唐人所重。故唐昌觀有之。集賢院有之。

今自招隱寺得一本。蔓若茶藤。冬凋。春榮。葉似柘莖。微紫。花苞初甚細。經月漸大。暮春方八出。鬚如冰絲。上綴金粟。花心復有碧筩。狀類膽瓶。其中別抽一英。出衆鬚上。散爲十餘蕊。猶刻玉然。世多未之見。亦猶瓊花之難得也。

錦帶花

錦帶花一名鬚邊嬌。三月間開。蓓蕾可愛。形如小鈴。色內白而外粉紅。長枝密花。如曳錦帶。但艷而不香。無子。亦有深紅者。一樹常開二色。有類海棠。植於屏

籬之間。頗堪點綴。種法於秋分後。剪五寸長枝。插鬆土中。每日澆清糞水。良久自活。

鴛鴦藤

スイカヅラ

鴛鴦草一名忍冬。隨處有之。延蔓多附樹。莖微紫色。有薄皮膜之。其嫩莖色青。有毛。葉生對節。似薜荔。三四月間。開花不絕。長寸許。一帶兩花。二瓣。一大一小。長葢初開。則葢瓣俱白。經二三日。則變黃。新舊相參。黃白相映。如飛鳥對翔。又名金銀藤。氣甚清芬。而莖葉花皆可入藥用。因其藤左纏。俗名左纏藤。

錦荔枝

ツルレイ

錦荔枝一名紅姑娘一名癩葡萄四月下子抽苗延蔓附木而生葉似天蘿有微刺七八月開黃花五瓣如椀形結實似荔枝而大初青色後金紅內瓢裏子如血塊味甜可食懸掛可觀若種盆玩須結縛成葢子似西瓜子而邊缺可入藥用

鐵線蓮

テツセン

鐵線蓮一名番蓮或云卽威靈仙以其本細似鐵線也苗出後卽當用竹架扶持之使盤旋其上葉類木香每枝三葉對節生一朶千瓣先有包葉六瓣似蓮先開內花以漸而舒有似鷲毛菊性喜燥宜鷲毛水澆其瓣最繁而多每開不能到心卽謝亦一悶事春間壓土移栽

史君子

史君子一名留求子藤生手指大如葛苗繞樹而上葉青似五加葉三月開花五出一簇一二十葩初淡紅久則深紅色輕盈若海棠作架植之蔓延似錦實長寸許五瓣相合有稜初時半黃熟則紫黑其中仁

白上有薄黑皮如樵子仁而嫩其味如栗治五疳殺蟲小兒宜食

萬苣 子サ

萬苣一名千金菜俗名金盞花隨在有之葉似白苣而尖色稍青折之有白汁粘手而花色金黃細瓣攢簇肖盞四月始開無甚風味聊備員耳冬澆濃肥水則春發始茂梗葉皆可作蔬

虎耳草 ユキノシタ

虎耳一名石荷葉俗名金絲草其葉類荷錢而有紅

白絲繚繞其上三四月間開小白花春初栽於花砌石罅背陰高處常以河水澆之則有紅絲延蔓遍地絲末生苗最易繁茂但見日失水便無生理矣以糞坑邊瓦礫敲碎堆壅其側則易長小兒耳病取汁滴入即愈

翠雲草

翠雲草無直梗宜倒懸及平鋪在地因其葉青綠蒼翠重重碎感儼若翠鈿雲翹故名但有色而無花香非芸也其根遇土即生見日則萎性最喜陰濕栽於

背陰石罅。或虎茨。芭蕉。秋海棠。下極有雅趣。種法用舊草鞋浸糞坑。一日夜。取起晒乾。再浸再晒。凡數次。將石壓平安。放翠雲草之側。待其蔓自上。生根。移栽別地。無有不活者。

淡竹葉

ツユクサ アヲハナ
ツキクサ

淡竹葉一名小青。一名鴨跖草。多生南浙。隨在有之。三月生。苗高數寸。蔓延於地。紫莖竹葉。其花儼似蛾形。只二瓣。下有綠萼承之。色最青翠。可愛。土人用綿收其青汁。貨作畫燈。夜色更青。畫家用以破綠等用。

秋末抽莖。結小長穗。如麥冬。而更堅硬。性喜陰濕。

射干

ヒアフキ

射干一名扁竹。一名秋蝴蝶。生南陽。今所在有之。仲春引蔓布地。苗似瞿麥。葉似薑。而狹長。葉中抽莖。似護莖。而硬。六月開花。黃紅色。亦有紫碧者。瓣上有細紋。秋結實。作房。一房四隔。一隔數子。咬之。不破。根可入藥。分根下子。種俱可。

牽牛花

アサカホ

牽牛一名草金鈴。一名天茄兒。有黑白二種。三月生。

苗即作藤蔓或透籬牆或附木上長二三丈許葉有三尖如楓葉七月生花不作瓣白者紫花黑者碧色花結實外有白皮裹作毬毬內有子四五粒狀若茄子差小色青長寸許採嫩實鹽焯或蜜浸可供茶食近又有異種一本上開二色者俗因名之曰黑白江南花

馬兜鈴

馬兜鈴一名青木香春生苗作蔓附木而上葉如山蘋而厚大背白六月開黃紫花似枸杞結實如大棗

作四五瓣葉脫後其實尚垂狀如馬項之鈴

鼓子花 ヒルカホ

響當
作響

鼓子花一名旋菑又名纏枝牡丹蔓延川澤間葉似薯蕷小而狹長花開如拳不放頂幔如缸鼓式色粉紅有千葉者人多植以為屏籬之玩根無毛節蒸煮味甘可啖花不結子取根寸截置土灌溉即活生苗昔有一絕對云風吹不響鈴兒草雨打無聲鼓子花

五味花

五味花產高麗者第一今南北俱有葉似杏而尖圓

花若小蓮而黃白。蔓赤而長。非架不能引上。或附木亦可。結實如梧桐子。大叢綴枝間。生青熟紅。不異櫻珠。分根種。當年即旺。若子種者。次年始盛。出江北者。入藥最良。

薜荔

薜荔一名巴山虎。無根可以緣木而生。藤蔓葉厚實而圓勁如木。四時不凋。在石曰石綾。在地曰地錦。在木曰長春藤。好敷岩石與牆上。紫花發後結實。上銳而下平。微似小蓮。蓬外青而內有瓢。滿腹皆細子。霜降後瓢紅。而甘。鳥雀喜啄。兒童亦常採食之。謂之木饅頭。但多食發瘡。夏月毒蛇喜聚其叢中。如或納涼其下。不可不慎。

芙蓉

芙蓉一名木蓮。又名文官拒霜。葉似梧桐。大而尖。花有數種。單葉者多。千葉者有大紅粉紅白。惟大紅者花大而四面有心。一種早開純白。向午桃紅。晚變深紅者。名醉芙蓉。另有一種黃芙蓉。亦異品。不可多得者。此花獨耐寒。但不結實。亦不必分根。惟在十一

月中將好種肥條剪下俱段作一尺許長於向陽地上掘坑橫埋之仍以土掩至二月初將條於水邊籬側遍插之插必先將木針釘一穴填泥漿并糞令滿然後插條上露二寸許再遮以爛草無不全活且當年即能發花清姿雅質獨殿群芳乃秋色之最佳者昔蜀後主城上盡種芙蓉名曰錦城俗傳葉能爛獼毛故池塘有芙蓉則獼不敢來其皮可漚麻作線織為網衣暑月衣之最涼且無汗氣其葉中成如木

水木樨

水木樨一名指田枝軟葉細五六月開細黃花頗類木樨中多鬚葯香亦微似其本叢生仲春分種

壺蘆

フクヘ ユウカホ

壺蘆一名瓠瓜俗作葫蘆非正二月下種生苗引蔓而上葉似冬瓜而稍團有柔毛五六月開白花結實初白霜降後老而色黃一種圓而大者曰匏亦名瓢因其可以浮水如泡如漂也亦可作藏酒之器一種下大上小腰細口細者曰壺蘆可盛丹藥大可為甕益小可為冠樽小兒用以浮水樂人用以作笙膚瓢養豕

犀瓣燒燭實初結時部藤附插巴豆二三日後柔弱可紐隨去豆即活以筆蘸芥辣界瓢上其界處永不長欲去內瓢開瓠項納巴豆水燭之瓢出即空

獼猴桃 ヤマナシ

獼猴桃一名陽桃生山谷中藤着樹而生枝條柔弱高二三丈葉圓有毛花小而淡紅實形似雞卵十月爛熟色綠而甘獼猴喜食之皮堪作紙今陝西永興軍南山甚多

蓊蕒 イヌエビ ノブトウ

蓊蕒音嬰多生林野間四散延蔓其葉並花實皆與葡萄無異但實小而圓色不甚紫而味亦佳毛詩云六月食蕒即此也

紫茉莉

紫茉莉一名狀元紅本不甚高但波葉而蔓衍易生葉似蔓菁秋深開花似茉莉而色紅紫清晨放花午後即斂其艷不久而香亦不及茉莉故不為世重結實頗繁春間下子即生

白藟豆

菡豆一名蛾眉豆。一名籬豆。其蔓最長。須搭高棚引上。夏月可以乘涼。不可使沿樹上。樹若繞蔓。即枯。葉大如盃。一枝三葉。其花狀似小蛾。有翅尾之形。莢生花下。纍纍成枝。花有紫白二色。實亦有紫白二種。清明下種。以灰覆之。不宜土蓋太肥。生蠹。

龍膽草

リントウ クタニ

龍膽草一名陵游。產齊胸及南浙。葉如龍葵。味苦如膽。直上生苗。高尺餘。秋開花如牽牛青碧色。

落花生

落花生一名香芋。引藤蔓而生。葉極開小白花。花落於地。根即生。實連絲牽引土中。壘壘不斷。冬盡掘取。煮食香甜可口。南浙多產之。

大戟

シカトウクタイ

大戟俗名下馬仙。春生紅芽。長作叢。高一二尺。葉似初生楊柳小團。又似芍藥。夏開黃紫花。團圓似杏花。又類蕪荑根。似苦參。多戟人咽喉。

葛

葛一名鹿藿。產南方。春初生苗。引藤蔓長一二丈。葉

類楸青而少七月開花紅紫色結莢纍纍似豌豆形但不結實根形大如手臂紫黑色端午採根曝乾以入土深者為佳其藤皮可作締絡惟廣中出者為最根可作粉能解酒病

紫花地丁 スミレ

紫花地丁一名獨行虎隨在有之葉青而肥根直如釘仲夏開紫色花結細角平地生者起莖可以不扶溝壑邊生者起蔓必待竿扶又一種白花者不入藥用

茜草 アカ子

茜一作蒨又名茅蒐茹蘆多生喬山上染絳之草葉青背綠頭尖下濶似棗其莖方葉澀四五葉對生節間蔓延於木上至秋開花結實如小椒中有細子根亦紫赤色今所在有之說文云人血所生故俗名地血齊人謂之蒨草貨殖傳曰千畝卮茜其人皆與千戶侯等則誠嘉草也

獨搖草 ウト

獨搖草一名獨活多生於嶺南及蜀漢川谷中春生

輒當
作輒

苗葉夏開小黃花一莖直上有風不動無風自搖其頭如彈子尾若鳥尾而兩片開合間每見入輒自動搖俗傳佩之者能令夫婦相愛雖非異卉亦自有一種風致可取根入藥用

虎杖 イタトリ

虎杖生下濕地隨在有之春盡發苗莖如紅蓼葉圓如杏夏未開花四出如菊色紅如桃次第開落至九月中方已陝西山麓水湄甚廣人於暑月取根和甘草同煎為飲色如琥珀甘美可愛瓶置井中令冷如

冰呼為冷飲子可以代茗極能解暑其汁染米粉作糕更佳

落葵 ツルムラサキ

落葵一名承露春初下種仲夏始蔓延籬落間其葉似杏而肥厚至秋開細紫花結實纍纍大如五味子熟則紫黑色土人取揉其汁紅如胭脂婦女以之漬粉傅面最佳或用點唇亦可故又名染絳子但暫用則色不變若染布帛等物不能常久

欸冬花 フキノタウ

欵冬花一名欵凍出常山及關中叢生水傍葉似葵而大開花黃瓣青紫萼出自根下偏於十一月霜雪中發花獨茂又有紅花者葉如荷而斗直俗呼為蜂斗葉亦花中之異品也

仙人掌

サシホテイイロヘロ

仙人掌出自閩粵非草非木亦非果蔬無枝無葉又并無花土中突發一片與手掌無異其膚色青綠光潤可觀掌上生米色細點每年只生一葉於頂今歲長在左來歲則長在右層疊而上植之家中可鎮火

緣當作綠

災如欲傳種取其一片切作三四塊以肥土植之自生全掌矣近今南浙亦間或有之錄此以見草木之異云爾

玉簇

玉簇花產於閩中花發於秋冬之交性最畏寒遇水則花葉俱萎植之者必十月中藏向陽室內如土乾將殘茶畧潤至二月中方可取出

釣藤

カラスノカギツル

釣藤產自梁州今秦楚江南江西皆有葉細長而青

其莖間有刺。儼若鈞鈞對節而生。其色紫赤。卷曲而堅利。長一二丈。大如指。中空。用致酒甕封口。插入取酒。以氣吸之。涓涓不絕。

清風藤

清風藤一名青藤。出浙東台州天台山。其苗多蔓延喬木之上。四時常青。風吹飄揚有致。亦不可得者。

長生草 イハヒバ

伯當作柏

長生草一名豹足。一名萬年松。究竟卽卷伯也。產自常山之陰。今出近道。其宿根紫黑色。而多鬚。春時生苗似柏葉。而細碎拳攣如雞爪。色備青黃綠。高三四

寸。無花實。多生石上。雖極枯槁。得水則蒼翠如故。或懸於梁。不用滋培。彌歲長青。或藏之巾笥中。復取砂水植之。不數日卽活。可爲盆玩。

藤蘿 サルヲカセ

藤蘿一名女蘿。在木上者。一名兔絲。在草上者。但其枝蔓軟弱。必須附物而長。其花黃赤如金。結實細而繁。冬則萎落。

零餘子 ヤマイモ ムカゴ

零餘子一名山藥生。苗蔓延籬落之間。夏開細白花。

結實_ツ在葉下。長圓不一。皮黃肉白。大者如雀子。小者如蚕豆。煮食勝於芋子。霜後收子。亦最易落。墜地即能生根。其根肥白而長。蔬中上品。宜_ツ壅牛糞。

土參

土參一名神草。一名上精。一名血參。產於南浙。四月開花。細小如粟。蓋如絲。白色。秋後結實。生青熟紅。性最喜燥。春間分種。

姜蕤

カラスユリ

姜蕤處處山中皆有。其根橫生。莖幹強直。似竹箭。餘

而有節。葉狹而長。表白裏青。亦類黃精。而多鬚。大如指。長一二尺。三月中開青花。結圓實。亦可分根種。極易繁殖者。

揚搖子

揚搖子產自閩粵。其子生樹皮內。身體有脊。而形甚異。味甘。無核。長五寸。而色青。

藟子

ムヘ

藟子出自合浦。及交趾。藤蔓緣樹木而生。正二月開花。四五月實熟。如梨。赤如雞冠之色。核如魚鱗。其味

甚甘美。

酒杯藤

酒杯藤出自西域昔張騫得其種而歸藤大如臂其花堅硬可以酌酒文章映澈實大如指味香如豆蔻食之能解酒

侯騷子

侯騷子蔓延而生子如雞卵既甘且冷王大僕曾獻之能消酒除溼輕身延年

千歲子

千歲子出粵西交趾蔓延而生子在根下有鬚綠色一苞多至二百餘顆狀似李而皮殼青黃殼中有肉如栗味亦如之乾則殼肉相離撼之而有聲極能解酒消暑

波羅蜜

波羅蜜產自海南樹如荔枝差大皮厚葉圓有橫紋小枝附樹本而生一枝含數實花落實出其大如斗皮亦似荔枝有刺類佛首螺髻之狀肉若蜂房近子處可食與熟瓜無異而丰韻過之子如肥皂核大亦

可音燻炒食。味似豆。春生。秋熟。粵人珍之。其甘如蜜。

菩提樹

菩提樹一名無患子。產自南海。今武當山亦有之花。如冠蕤。葉似冬青而稍尖。長實似枇杷。稍長大味甘。色青而香。核堅黑。可燻食。亦可作念珠。俗名鬼見愁。以其能辟邪惡也。前朝皇太后曾種二株於內宮。

娑羅花

娑羅樹。產雅州瓦屋山。今江淮古寺內及浙之昌化山中皆有之。其本高數丈。葉大似楠。夏月多蔭。而冬不凋。初夏開花。頗香。實大如核桃。栗殼色。可治心痛。病。又聞瓦屋山者。五色燦然。若移他處。則闌而多稿。故不可多得。

人面子

人面子。出自粵中。樹似梅李。春花。秋熟。子如桃實。而少味。須蜜漬。可食。其核兩邊如人面。耳目口鼻無不具足。人皆取以為玩。

都念子

都念。生嶺南。樹高丈餘。株柯長而細。葉如苦李。花紫。

赤如蜀葵。心金色。南中婦女多用染色。子如小軟柿。外紫內赤無核。頭上有四葉如柿蒂。食必捨其蒂。故又名倒捻子。味甚甘美。

慧苡

メウムギ

慧苡一名芭實。隨在有之。若留有宿根。二三月自生。葉如初生芭蕉。五六月抽莖開細黃花。結實青白色。上尖下圓。其殼薄。仁粘者。即慧苡也。一種殼厚堅硬者。俗名菩萋珠。小兒多穿作念佛數珠為戲。

木竹子

木竹子出自廣西。皮色形狀全似大枇杷。而肉味甘美。過之。但實熟在秋冬。

韶子

韶子生嶺南。葉如栗。赤色。子亦如栗。苞有棘刺。破其苞。內有肉如豬肪。着核不離。味甘而酢。核如荔枝。又有山韶子。夏熟。色正紅。肉如荔枝。一種藤韶子。至秋方熟。其大如鳥卵。

馬檳榔

馬檳榔產自滇南。金齒沅江。延蔓而生。結實大如葡萄。

葡萄色紫而味甘。內有核。頗似大楓子。但殼稍薄。其形圓長斜扁。不等。核內有仁亦甜。

蔓楚

蔓楚一名業楚。一名羊桃。葉如桃而光。尖長而狹。花紫赤色。其枝莖最弱。過一尺即引蔓於草上。多生平澤中。子細如棗核。亦似桃而味苦不堪食。

蔓椒

イヌサンロウ

蔓椒出上黨山野處處亦有之。生林箐間。枝軟覆地。延蔓花作小朵。色紫白。子葉皆似椒形。小而味微辛。

因舊莖而生。土人取以煮肉食。香美不減花椒。但不多耳。

文章草

文章草一名五加。生漢中及宛。向今近道皆有。春生苗作叢。赤莖青葉。又似藤。蔓高四五尺。上有黑刺。一枝五葉。三四月開白花。香氣如橄欖。結實如豆。北方者長丈餘。類木。

蘿藦

ガバイモ

蘿藦一名斫合子。人家多種之。三月生苗。蔓延籬垣。

間極易繁衍其根白軟其葉長而後大前尖根與莖
 葉摘之皆有白汁六七月開小長花如鈴狀紫白色
 結實長二三寸大如馬兜鈴一頭尖其殼青軟中有
 白絨及漿霜後枯裂則子飛其子輕薄亦如兜鈴子
 土人取其絨作坐褥以代綿亦輕煖

雪下紅 ツタサンゴジュ

雪下紅一名珊瑚珠葉似山茶小而色嫩藤本蔓延
 莖生白毛夏末開小白花結子秋青冬熟若珊瑚珠
 纍纍下垂其色紅亮照耀如日至於積雪盈顛似更

有致但防白頭烏啣食則不能久留

胡椒 フウトウカヅラ

胡椒一名味履支南番諸國及交南海南皆有之其
 苗蔓生必附樹或作棚引之葉如山藥有細條與葉
 齊條條結子兩兩相對其葉晨開暮合合則畏其子
 於葉中正月開黃白花結椒纍纍生青熟紅五月采
 收曝乾乃綴食品中用之最能殺腥

浣草

浣草一名蘘門音冬一名天門冬處處有之春生藤蔓

大如釵股。高至丈餘。葉如茵香。極尖細。而疎滑。有逆刺。亦有無刺者。夏開小白花。亦有黃紫色者。入伏後無花。暗結黑子。在其根枝旁。根長一二寸。一科一二十枚。以大者為勝藥。苗須沃地種栽。子種者。但晚成耳。

栝樓 カラスウリ

栝樓一名瓜萋。一名澤姑。所在有之。三四月生苗。引藤而上。葉如甜瓜。而窄。作叉。有細毛。秋開花。似壺蘆。花淺黃色。結實在花下。大如拳。形有正圓。有尖長者。

生青熟赤黃。纍纍垂於莖間。亦稍可觀。

五爪龍 ビンボウウカツラ

五爪龍一名技。一名五葉莓。蔓生籬落間。其藤柔而有稜。一枝一鬚。凡五葉長。而光有疎齒。面青背淡。七八月結苞。成簇。青白色。花如粟。黃色。四出。實大如龍葵。生青熟紫。內有細子。

西國草 イチゴ

西國草一名莖。音奎。一名覆盆子。隨處有之。秦地尤多。三月開白花。四五月實熟。狀如荔枝。大如櫻桃。軟紅。

可愛味頗日美失時則就枝生蛆土人在六七分熟即采取矣。

楹藤 モクマ

楹藤一名象豆生廣南山中作藤着樹有如通草藤其實三年方熟結角如弓袋紫黑色而光大一二寸圓而扁仁若雞卵土人多剔去其肉作瓢垂於腰間若貯丹藥經年不壞。

蓬蘽 フユイナユ

蓬蘽一名寒莓音茂生來藤蔓繁衍莖有倒刺逐節生葉葉大如掌類小葵青背白厚有毛六七月開小白花就蒂結實數十成簇生則青黃熟則紫黯微有黑毛如椹而扁冬葉不凋俗名割田蔗

千里及


千里及生宣湖與天台山中春生苗蔓延於籬落間葉似菊細長而厚背有毛枝幹圓而青秋開黃花不結實

秘傳花鏡卷之四終

花鏡圖



薇薔



蓼天




瑰玫



棠棣



藤年萬



蒲萄



紫金藤



枸杞



魚穿柳



花縷茶



花珠珍




妹姊十



野薔薇



千歲蘂



香水



茶蘼



鐵線蓮



枝荔錦



花帶錦



焦尾鳳



芭蒿



子君史



花蕊玉



鴛鴦草



鼓子花



花牛牽



五味子



鈴兜馬

葉竹淡



草耳虎



射干花



翠雲草



紫茉莉



猕猴桃



蓼蓼



扁豆



水木樨



荔枝



芙蓉



壺



無風獨搖



紫花地丁



大戟花



龍膽草



虎杖



茜草



香芋




葛花



落葵



仙人掌



簇玉



欵冬花




鈎藤



藤風清



草生長



藤蘿



子騷侯



子簡



蜜羅波



藤杯酒



蘋薯



參土



楚萇



蕤菱





馬檳榔



苾薏

草章文



子竹木



子面人



樹提菩



子念都




花羅娑



西國草



栝 萋




槎 藤



五 爪 龍



雪 下 紅



胡 椒



浣 草



蘿 摩



藟蓬



及里千



	<p>藟蓬</p>
	<p>及里千</p>

